

中华古典文学丛书



# 神农本草经

责任编辑：陈国勇

(19)



广州出版社

中华古典文学丛书

神农本草经

(19)

广州出版社

**图书在版编目(CIP)数据**

中华古典文学/丛书. 陈国勇 主编. 广州出版社. 2003. 2

ISBN 7-5363-3732-9/Z·419

I. 中华... II. 古... III. 文学

中国版本图书馆 CIP 数据核字(2003)第 082275 号

**中华古典文学丛书**

主 编:陈国勇

广州出版社

广州凯旋印刷厂

开本:787×1092 1/32 印张:416.5

版次:2003年2月第1版第1次印刷

印数:1-3000套

书号 ISBN 7-5363-3732-9/Z·419

定价:(全套 98 本)868.80 元

# 目 录

## 神农本草经

- 神农本草经卷一上经 ..... (1)
- 神农本草经卷二中经 ..... (19)
- 神农本草经卷三下经 ..... (31)

## 印经

- 印经 ..... (42)

## 书谱

### 笔势论

- 创临章第一 ..... (58)
- 启心章第二 ..... (59)
- 视形章第三 ..... (60)
- 说点章第四 ..... (60)
- 处戈章第五 ..... (61)
- 健壮章第六 ..... (61)
- 教悟章第七 ..... (62)
- 观彩章第八 ..... (62)

- 开腰章第九..... (63)
- 节制章第十..... (64)
- 察论章第十一..... (64)
- 譬成章第十二..... (65)

## 永字八法

- 侧势第一..... (67)
- 勒势第二..... (67)
- 弩势第三..... (68)
- ((走翟))势第四..... (69)
- 策势第五..... (69)
- 掠势第六..... (70)
- 啄势第七..... (71)
- 磔势第八..... (71)

## 林泉高致

- 山水训..... (73)
- 画意..... (81)
- 画诀..... (83)
- 画格拾遗..... (87)
- 画题..... (89)

## 古画品录

- 第一品(五人)..... (90)

第二品(三人)·····	(91)
第三品(九人)·····	(92)
第四品(五人)·····	(93)
第五品(三人)·····	(93)
第六品(二人)·····	(94)

## 风骚旨格

六诗·····	(95)
诗有六义·····	(95)
诗有十体·····	(96)
诗有十势·····	(97)
诗有二十式·····	(98)
诗有四十门·····	(99)
诗有六断·····	(101)

## 二十四诗谱撰

二十四诗谱撰·····	(103)
-------------	-------

# 神农本草经

阙名撰

## 神农本草经卷一 上经

丹沙，味甘，微寒。主身体五藏百病。养精神，安魂魄，益气，明目，杀精魅邪恶鬼。久服，通神明不老，能化为贡。生山谷。

云母，味甘平。主身皮死肌。中风寒热，如在车船上。除邪气，安五藏，益子精，明目。久服轻身延年。一名云珠，一名云华，一名云英，一名云液，一名云沙，一名磷石。生山谷。

玉泉，味甘平。主五藏百病。柔筋强骨，安魂魄，长肌肉，益气。久服耐寒暑，不饮渴，不老神仙。人临死服五斤，死三年色不变。一名玉札。生山谷。

石钟乳，味甘温。主咳逆上气。明目益精，安五藏，通百节，利九窍，下乳汁。生山谷。

涅石，味酸寒。主寒热泄利，白沃阴蚀，恶创，目痛，坚筋骨齿。炼饵服之，轻身不老，增年。一名羽涅。生山谷。

消石，味苦寒。主五藏积热，胃张闭。涤去蓄结饮食，推陈致新，除邪气。炼之如膏，久服轻身。生山谷。

朴消，味苦寒。主百病。除寒热邪气，逐六府积聚，结固，留癖，能化七十二种石。炼饵服之，轻身神仙。生山谷。

滑石，味甘寒。主身热泄瀉，女子乳难癰闭。利小便，荡胃中积聚寒热；益精气。久服轻身，耐饥，长年。生山谷。

石胆，味酸寒。主明目，目痛，金创，诸痈疮，女子阴蚀痛，石淋，寒热，崩中下血，诸邪毒气，令人有子。炼耳服之，不老。久服，增寿神仙，能化铁为铜，成金银。一名毕石。生山谷。

空青，味甘寒。主眚盲，耳聋。明目，利九窍，通血脉，养精神。久服轻身，延年不老，能化铜铁铅锡作金。生山谷。

曾青，味酸，小寒。主目痛。止泪，出风痹，利关节，通九窍，破症坚积聚。久服轻身不老，能化金铜。生山谷。

禹余粮，味甘寒。主咳逆寒热，烦满下赤白，血闭，症瘕，大热。炼饵服之，不饥，轻身延年。生池泽及山岛中。



太一余粮，味甘平。主咳逆上气，症瘕，血闭，漏下，余邪气。久服耐寒暑，不饥，轻身，飞行千里，神仙。一名石脑。生山谷。

白石英，味甘，微温。主消渴，阴痿不足，咳逆，胸隔间久寒，益气，除风湿痹。久服，轻身长年。生山谷。

紫石英，味甘温。主心腹咳逆，邪气，补不足，女子风寒在子宫，绝孕，十年无子。久服温中，轻身延年。生山谷。

扁青，味甘平。主目痛，肯目，折跌，痈肿，金创不瘳。破积聚，解毒气。利精神。久服，轻身不老。生山谷。

青石、赤石、黄石、白石、黑石脂等，味甘平。主黄疸，泄利，肠癖，脓血，阴蚀，下血，赤白，邪气，痈肿，疽痔，恶创，头疡□疥搔。久服，补髓益气，肥健，不饥，轻身延年。五石脂。各随五色补五藏。生山谷中。

白青，味甘平。主明目，利九窍，耳聋，心下邪气，令人吐杀，诸毒，三虫。久服通神明，轻身，延年不老。生山谷。

昌蒲，味辛温。主风寒湿痹，咳逆上气。开心孔，补五藏，通九窍，明耳目，出声音。久服轻身，不忘，不迷或，延年。一名昌阳。生池泽。

鞠华，味苦平。主风，头眩肿痛，目欲脱，泪出，皮肤死肌，恶风湿痹。久服，利血气，轻身，耐老延年。一名节生。

生川泽及田野。

人参，味甘，微寒。主补五藏，安精神，定魂魄，止惊悸，除邪气，明目，开心，益智。久服，轻身延年。一名人衔，一名鬼盖。生山谷。

天门冬，味苦平。主诸暴风湿偏痹，强骨髓，杀三虫，去伏尸。久服轻身，益气延年。一名颠勒。生山谷。

甘草，味甘平。主五藏六腑，寒热邪区。坚筋骨，长肌肉，倍力，金创媪，解毒，久服，轻身延年。生谷川。

干地黄，味甘寒。主折跌绝筋，伤中，逐血痹，填骨髓，长肌肉。作汤，除寒热积聚。除痹，生者尤良。久服，轻身不老。一名地髓。生川泽。

术，味苦温，主风寒湿痹，死肌痠疽，止汗，除热，消食。作煎饵，久服，轻身延年，不饥，一名山蓟。生山谷。

兔丝子，味辛平。主续绝伤，补不足，益气力，肥健。汁，去面玢，久服明目，轻身延年。一名兔芦。生川泽。

牛膝，味苦酸。主寒湿痿痹，四肢拘挛，膝痛不可屈伸，逐血气伤热。火烂，堕胎。久服，轻身耐老。一名百倍。生川谷。

充蔚子，味辛，微温。主明目益精，除水气。久服，轻身。茎主癰疹痒，可作浴汤。一名益母，一名大札。生池泽。

女萎，味甘平。主中风暴热，不能动摇，跌筋结肉，诸不足。久服，去面黑𦘔<sup>[4]</sup>，好颜色，润泽，轻身不老。生山谷。

防葵，味辛寒。主疝瘕，肠泄，膀胱热结，溺不下，咳逆，温疟，癩痢，惊邪，狂走。久服，坚骨髓，益气轻身。一名梨盖。生川谷。

茈胡，味苦平。主心腹。去肠胃中结气，饮食积聚，寒热邪气，推陈致新。久服，轻身，明目，益精，一名地薰。

麦门冬，味甘平。主心腹结气，伤中伤饱，胃络脉绝，羸瘦短气。久服，轻身，不老，不饥。生川谷及堤阪。

独活，味苦平。主风寒所击，金疮止痛，贲豚，痲喝，女子疝瘕。久服，轻身耐老。一名羌活，一名羌青，一名护羌使者。生川谷。

车前子，味甘寒，无毒。主气癰，止痛，利水道小便，除湿痹。久服，轻身耐老。一名当道。生平泽。

木香，味辛。主邪气，辟毒疫温鬼，强志，主淋露。久服，不梦寤魃寐。生山谷。

薯蓣，味甘温。主伤中，补虚羸，除寒热邪气，补中，益气力，长肌肉。久服，耳目聪明，轻身，不饥，延年。一名山芋。生山谷。

薏苡仁，味甘，微寒。主筋急拘挛，不可屈伸，风湿痹，

下气。久服轻身益气，其根下三虫。一名解蠹。生平泽及田野。

泽泻，味甘寒。主风寒湿痹，乳难消水，养五藏，益气力，肥健。久服，耳目聪明，不饥，延年，轻身，面生光，能行水上。一名水泻，一名芒芋，一名鹄泻。生池泽。

远志，味苦温。主咳逆伤中，补不足，除邪气，利九窍，益智慧，耳目聪明，不忘，强志，倍力。久服，轻身不老。叶名小草，一名棘菀，一名萸绕，一名细草。生川谷。

龙胆，味苦涩。主骨间寒热，惊痫，邪气，续绝伤，定五藏，杀蛊毒。久服，益智不忘，轻身耐老。一名陵游。生山谷。

细辛，味辛温。主咳逆，头痛，脑动，百节拘挛，风湿，痹痛，死肌。久服明目，利九窍，轻身长年。一名小辛。生山谷。

石斛，味甘平。主伤中，除痹，下气，补五藏虚劳，羸瘦，强阴。久服，厚肠胃，轻身延年。一名林兰。生山谷。

巴戟天，味辛，微湿。主大风邪气，阴痿不起，强筋骨，安五藏，补中，增志，益气。生山谷。

白英，味甘寒。主寒热八疸，消渴，补中益气。久服，轻身延年。一名谷菜。生山谷。

白蒿，味甘平。主五藏邪气，风寒湿痹，补中益气，长

毛发，令黑，疗心悬、少食、常饥。久服轻身，耳目聪明，不老。生川泽。

赤箭，味辛温。主杀鬼精物，蛊毒恶气。久服，益气力，长阴肥健，轻身增年。一名离母，一名鬼督邮。生川谷。

菴间子，味苦，微寒。主五藏瘀血，腹中水气，牖张留热，风寒湿痹，身体诸痛。久服轻身，延年不老。生川谷。

析蓂子，味辛，微温。主明目，目痛泪出，除痹，补五藏，益精光。久服，轻身不老。一名蔑析，一名大蓂，一名马辛。生川泽及道傍。

蓍实，味苦平。主益气，充肌肤，明目，聪慧先知。久服，不饥，不老，轻身。生山谷。

赤芝，味苦平；主胸中结，益心气，补中，增慧智，不忘；久食，轻身不老，延年神仙，一名丹芝。黑芝，味咸平；主癰，利水道，益肾气，通九窍，聪察；久食，轻身不老，延年神仙；一名元芝。青芝，味酸平，主明目，神肝气，安精魂，仁恕；久食，轻身不老，延年神仙；一名龙芝。白芝，味辛平，主咳逆上气，益肺气，通利口鼻，强志意，勇悍，安魄；久食，轻身不老，延年神仙；一名玉芝。黄芝，味甘平，主心腹五邪，益脾气，安神，忠信和乐；久食，轻身不老，延年神仙；一名金芝。紫芝，味甘温；主耳聋，利关节，保神，益精气，坚

筋骨，好颜色；久服，轻身不老，延年；一名木芝；生山谷。

卷柏，味辛温。生山谷。主五藏邪气，女子阴中寒热痛，症瘕，血闭，绝子。久服轻身，和颜色。一名万岁。生山谷石间。

蓝实，味苦寒。主解诸毒，杀蛊蚊，注鬼，螫毒。久服。头不白，轻身。生平泽。

芎藭，味辛温。主中风入脑，头痛，寒痹，筋挛缓急，金创，妇人血闭，无子。生川谷。

藜荒，味辛湿。主咳逆，定惊气，辟邪恶，除蛊毒鬼注，去三虫。久服通神。一名薇荒。生川泽。

黄连，味苦寒。主热气，目痛，眦伤，泣出，明目，肠澼—腹痛，下利，妇人阴中肿痛。久服，令人不忘。一名王连。生川谷。

络石，味苦温。主风热，死肌，痈伤，口干舌焦，痈肿不消，喉舌肿，水浆不下。久服，轻身明目，润泽，好颜色，不老延年。一名石鲮。生川谷。

疾藜子，味苦温。主恶血，破症结积聚，喉痹，乳难。久服，长肌肉，明目轻身。一名旁通，一名屈人，一名止行，一名豺羽，一名升推。生平泽或道旁。

黄耆，味甘，微温。主痈疽，久败创，排脓止痛，大风，癩疾，五痔，鼠痿，补虚，小儿百病。一名戴糝。生山谷。

肉松容，味甘，微温。主五劳七伤，补中，除茎中寒热痛，养五藏，强阴，益精气，多子，妇人症瘕。久服，轻身。生山谷。

防风，味甘温，无毒。主大风，头眩痛，恶风，风邪，目盲无所见，风行周身，骨节疼痛，烦满。久服，轻身。一名铜芸。生川泽。

蒲黄，味甘平。主心腹旁光寒热，利小便，止血，消瘀血。久服，轻身，益气力，延年神仙。生池泽。

香蒲，味甘平。主五藏，心下邪气，口中烂臭。坚齿，明目，聪耳。久服，轻身耐老。一名睢。生池泽。

续断，味苦，微温。主伤寒，补不足，金创痛伤，折跌，续筋骨，妇人乳难。久服，益气力。一名龙豆，一名属折。生山谷。

漏芦，味苦咸寒。主皮肤热。恶创，疽痔，湿痹，下乳汁。久服，轻身益气，耳目聪明，不老延年。一名野兰。生山谷。

营实，味酸温。主痈疽恶创，结肉跌筋，败创热气，阴蚀不瘳，利关节。一名墙薇，一名墙麻，一名牛棘。生川谷。

天名精，味甘寒。主瘀血，血痕欲死，下血，止血，利小便。久服，轻身耐老。一名麦句姜，一名虾蟆蓝，一名豕

首。生川泽。

决明子，味咸平。主青盲，目淫，肤赤，白膜，眼赤痛泪出。久服，益精光，轻身。生川泽。

丹参，味苦，微寒。主心腹邪气，肠鸣幽幽如走水，寒热积聚，破症除瘕，止烦满，益气。一名隙蝉草。生川谷。

茜根，味苦寒。主寒湿，风痹，黄疸，补中。生川谷。

飞廉，味苦平。主骨节热，胫重酸疼。久服，令人身轻。一名飞轻。生川泽。

五味子，味酸温。主益气，咳逆上气，劳伤羸瘦，补不足，强阴，益男子精。生山谷。

旋华，味甘温。主益气，去面玃黑，色媚好。其根味辛，主腹中寒热邪气，利小便。久服。不饥，轻身。一名筋根华，一名金沸。生平泽。

兰草，味辛平。主利水道，杀蛊毒，辟不祥。久服，益气轻身，不老，神通明。一名水香。生池泽。

蛇床子，味苦平。主妇人阴中肿痛，男子阴痿、湿痒，除痹气，利关节，癩痢，恶创。久服轻身。一名蛇米。生川谷及田野。

地肤子，味苦寒。主旁光热，利小便，补中益精气。久服，耳目聪明，轻身耐老。一名地葵。生平泽及田野。

景天，味苦平。主大热，火创，身热，烦邪，恶气华主，



女人漏下赤白。轻身明目。一名戒火，一名慎火。生川谷。

因陈，味苦平。主风湿寒热，邪气，热结黄疸。久服轻身，益气耐老。生丘陵阪岸上。

杜若，味辛，微温。主胸胁下逆气，温中，风入脑户，头肿痛，多涕泪出。久服益精，明目轻身。一名杜衡。生川泽。

沙参，味苦，微寒。主血积惊气，除寒热，补中，益肺气。久服利人。一名知母。生川谷。

白兔藿，味苦平。主蛇虺，蜂蚕，獾狗，菜肉蛊毒注。一名白葛。生山谷。

徐长卿，味辛温。主鬼物百精，蛊毒，疫疾邪恶气，温疟。久服，强悍轻身。一名鬼督邮。生山谷。

石龙刖，味苦，微寒。主心腹邪气，小便不利，淋闭，风湿，鬼注，恶毒。久服，补虚羸，轻身，耳目聪明，延年。一名龙须，一名草续断，一名龙珠。生山谷。

薇衔，味苦平。主风湿痹，历节痛，惊痫，吐舌，悸气，贼风，鼠痿，痲肿。一名糜衔。生川泽。

云实，味辛温。主泄利，肠澼，杀虫，蛊毒，去邪恶结气，止痛除热。华主见鬼精物，多食令人狂走。久服，轻身，通神明。生川谷。